

ÁKVÖRÐUN EVRÓPUÞINGSINS OG RÁÐSINS nr. 1719/1999/EB

2001/EES/51/18

frá 12. júlí 1999

um viðmiðunarreglur um samevrópsk net fyrir rafræn gagnaskipti milli stjórnarsýslustofnana, að meðtalinni skilgreiningu verkefna sem þjóna sameiginlegum hagsmunum(*)

EVROPUÞINGIÐ OG RÁÐ EVRÓPUSAMBANDSINS
HAGA,

upplýsinga- og fjarskiptatækni (ICT) á komandi áratug.

með hliðsjón af stofnsáttmála Evrópubandalagsins, einkum fyrstu málsgrein 156. gr.,

6) Í ákvörðun nr. 2717/95/EB⁽⁸⁾ samþykktu Evrópuþingið og ráðið viðmiðunarreglur um þróun samevrópsks, stafræns, samþætts þjónustunets (ISDN) sem samevrópsks nets.

með hliðsjón af tillögu framkvæmdastjórnarinnar⁽¹⁾,

7) Í ákvörðun nr. 1336/97/EB⁽⁹⁾ samþykktu Evrópuþingið og ráðið viðmiðunarreglur um samevrópskt fjarskiptanet.

með hliðsjón af álitum efnahags- og félagsmálanefndarinnar⁽²⁾,

8) Í því skyni að stofnsetja efnahags- og myntbandalag, koma í framkvæmd stefnu bandalagsins og starfsemi á þess vegum er nauðsynlegt fyrir stjórnarsýslustofnanir aðildarríkjanna og bandalagið að hafa aðgang að, geta skipst á og unnið vaxandi magn upplýsinga.

með hliðsjón af álitum svæðanefndarinnar⁽³⁾,

í samræmi við málsmeðferðina sem mælt er fyrir um í 251. gr. sáttmálans⁽⁴⁾,

og að teknu tilliti til eftirfarandi:

1) Í ályktun sinni frá 20. júní 1994⁽⁵⁾ lagði ráðið áherslu á nauðsyn þess að samræma upplýsingaskipti milli stjórnarsýslustofnanna.

9) Í því skyni að fara með það umboð sem þeim er falið er nauðsynlegt fyrir stjórnarsýslustofnanir aðildarríkjanna að hafa aðgang að, geta skipst á og unnið vaxandi magn upplýsinga.

2) Í ályktun sinni frá 21. nóvember 1996⁽⁶⁾ samþykkti ráðið nýja forgangsröðun við stefnumótun á sviði upplýsingasamfélagsins.

10) Aðgangur að samþættem gagnaflutningskerfum, hér á eftir nefnd fjárvirkninet, er forsenda skilvirkra, árangursríkra og öruggra upplýsingaskipta sem unnt er að vinna frekar.

3) Í orðsendingu sinni frá 19. júlí 1994 lagði framkvæmdastjórnin fram aðgerðaáætlun um upplýsingasamfélagið.

11) Fjárvirkninet, sem tengja upplýsingakerfi stjórnarsýslustofnana aðildarríkjanna og bandalagsins um alla Evrópu, eru samevrópsk fjarskiptanet fyrir stjórnarsýslustofnanir.

4) Framkvæmdastjórnin hefur lagt fram aðgerðaáætlun um innri markaðinn.

12) Snurðulaus starfsemi innri markaðarins og að hindrunum í vegi samskipta milli opinberra stjórnarsýslustofnana og einkageirans verði rutt úr vegi er mikilvæg forsenda velgengni og samkeppnishæfni iðnaðar í bandalaginu.

5) Í ályktun sinni frá 12. júní 1997⁽⁷⁾ hvatti Evrópuþingið Evrópusambandið og aðildarríkin til aðgerða með tilliti til þróunar og notkunar nýrrar

13) Notkun fjárvirkninet getur stuðlað að verndun fjárhagslegra hagsmuna bandalagsins og gagnast í baráttunni gegn svikum.

(*) Þessi EB-gerð, sem birtist í Stj. 2001, L 203, 3.8.1999, bls. 1, var nefnd í ákvörðun sameiginlegu EES-nefndarinnar nr. 100/2000 frá 27. október 2000 um breytingu á bókun 31 við EES-samninginn um samvinnu á sérstökum sviðum utan marka fjórþætta frelsisins. Sjá EES-viðbæti við Stjórnartíðindi Evrópubandalaganna nr. 2, 11.1.2001, bls. 18.

⁽¹⁾ Stj. 1998, C 54, 21.2.1998, bls. 3 og Stj. 1999, C 23, 28.1.1999, bls. 8.

⁽²⁾ Stj. 1998, C 214, 10.7.1998, bls. 33.

⁽³⁾ Stj. 1998, C 251, 10.8.1998, bls. 1.

⁽⁴⁾ Álit Evrópuþingsins frá 18. nóvember 1998 (Stj. 1998, C 379, 7.12.1998, bls. 68), sameiginleg afstaða ráðsins frá 21. desember 1998 (Stj. 1998, C 55, 25.2.1999, bls. 1) og ákvörðun Evrópuþingsins frá 13. apríl 1999 (Stj. 1999, C 219, 30.7.1999). Ákvörðun ráðsins frá 21. júní 1999.

⁽⁵⁾ Stj. 1994, C 181, 2.7.1994, bls. 1.

⁽⁶⁾ Stj. 1996, C 376, 12.12.1996, bls. 1.

⁽⁷⁾ Stj. 1997, C 200, 30.6.1997, bls. 196.

⁽⁸⁾ Stj. 1995, L 282, 24.11.1995, bls. 16.

⁽⁹⁾ Stj. 1997, L 183, 11.7.1997, bls. 12.

- 14) Aðildarríkjunum ber að taka til greina fjarvirkninet, sem eru þróuð sem liður í aðgerðum bandalagsins, við þróun þeirra verkefna sem þau leysa sameiginlega á sviðum sem heyra undir stofnsáttmála Evrópubandalagsins í framhaldi af Amsterdam-sáttmálanum og á öðrum sviðum sem heyra undir sáttmálann um Evrópusambandið og ennfremur öðrum aðgerðum sem þau kunna að grípa til og uppfylla markmið stofnsáttmála Evrópubandalagsins, einkum d-lið 3. gr. og 14., 18. og 39. gr.
- 15) Á meðan á undirbúningi fyrir stækkun Evrópusambandsins stendur getur reynst nauðsynlegt að breyta fjarvirkninetum og bæta þau.
- 16) Fljótvirkar og gagnsæjar opinberar stjórnsýslustofnanir munu verða borgurum í Evrópusambandinu hvatning til þess að nýta sér ávinning að upplýsingasamfélaginu.
- 17) Bandalagið notar eða nýtur góðs af þeim fjarvirkninetum sem efla stefnu bandalagsins og starfsemi á þess vegum, samskipti milli stofnana og efnahags- og myntbandalagið.
- 18) Bæði bandalaginu og aðildarríkjunum ber skylda til að koma slíkum fjarvirkninetum á fót.
- 19) Afar mikilvægt er að nota til hins ýrasta staðla, almennt aðgengilegar forskriftir og hugbúnað sem hið opinbera ræður yfir til þess að tryggja snurðulaust rekstrarsamhæfi með tilliti til þess að ná fram kostum stórrekstrar og auka ávinning af slíkum kerfum.
- 20) Með samræmdri þróun ætti að vera unnt að tryggja samleitni slíkra neta í átt til sameiginlegs fjarvirkniskilflatar milli bandalagsins og aðildarríkjana.
- 21) Til þess að unnt sé að nýta fé bandalagsins sem best er nauðsynlegt að kostnaði vegna slíkra neta sé deilt jafnt milli aðildarríkjana og bandalagsins, samtímis því að forðast óþarfa fjölgun tækja, endurtekingu rannsókna og því að ólíkum aðferðum sé beitt.
- 22) Aðildarríkin skulu að jafnaði hvert og eitt bera þann kostnað sem stofnað er til vegna IDA-verkefna og -þjónustu sem þau framkvæma sjálf.
- 23) Af þessum sökum er nauðsynlegt að skilgreina sérstakar viðmiðunarreglur sem skulu gilda um öll slík net og ennfremur sérstakan fjárhagsramma fyrir verkefni sem þjóna sameiginlegum hagsmunum og slíkar viðmiðunarreglur gilda um.
- 24) Þar eð aðildarríkin geta ekki náð því markmiði að koma á fót slíkum netum svo vel sé er slíku markmiði, sökum umfangs og áhrifa fyrirhugaðra aðgerða, betur náð innan bandalagsins í samræmi við dreifræðis-
- regluna og hlutfallsregluna sem eru settar með 5. gr. sáttmálans. Með fyrirhugaðri aðgerð er ekki gengið lengra en nauðsynlegt er til að ná þessu markmiði.
- 25) Framkvæmd samningsins um Evrópska efnahags-svæðið og samstarfssamninga við Evrópubandalagið krefst þess að viðeigandi fjarvirkninetum verði breytt og þau bætt.
- 26) Fjarvirkninet og rafræn samskipti hafa í sjálfu sér alþjóðlega vídd.
- 27) Þær ráðstafanir, sem miða að því að tryggja rekstrarsamhæfi fjarvirkninetna milli stjórnsýslustofnana, eru í samræmi við þá forgangsröðun sem er samþykkt í tengslum við viðmiðunarreglurnar fyrir samevrópskt fjarskiptanet.
- 28) Gripið hefur verið til aðgerða samkvæmt ákvörðun ráðsins 95/468/EB frá 6. nóvember 1995 um framlag bandalagsins til fjarvirkra gagnaskipta milli stjórnsýslustofnana í bandalaginu (IDA) ⁽¹⁾. Dómstóllinn ógilti ákvörðun 95/468/EB 28. maí 1998. Þær ráðstafanir sem framkvæmdastjórnin hefur gert á grundvelli þeirrar ákvörðunar fyrir ógildingu dómstólsins gilda áfram.
- 29) Í þessari ákvörðun er mælt fyrir um fjárhagsramma sem, eins og fram kemur í 1. lið yfirlýsingar Evrópuþingsins, ráðsins og framkvæmdastjórnarinnar frá 6. mars 1995 ⁽²⁾, er grundvallarviðmiðun fyrir fjárveitingavaldið við árlega fjárlagagerð.
- 30) Hinn 20. desember 1994 gerðu Evrópuþingið, ráðið og framkvæmdarráðstafanir vegna gerða sem eru samþykktar í samræmi við málsmeðferðina sem mælt er fyrir um í 251. gr. sáttmálans ⁽³⁾.

SAMÞYKKT ÁKVÖRÐUN ÞESSA:

I. gr.

Gildissvið og markmið

1. Bandalagið skal, í samvinnu við aðildarríkin, grípa til aðgerða á sviði samevrópskra fjarvirkninetna fyrir stjórnsýslustofnanir og gera þær ráðstafanir sem settar eru fram í þessari ákvörðun og hafa að markmiði:

⁽¹⁾ Stjútíð. EB L 269, 11.11.1995, bls. 23.

⁽²⁾ Stjútíð. EB C 102, 4.4.1996, bls. 4.

⁽³⁾ Stjútíð. EB C 102, 4.4.1996, bls. 1.

- a) að koma á fót nothæfum, rekstrarsamhæfðum samevrópskum fjarvirkninetum milli stjórnsýslustofnana aðildarríkjanna, hvort sem þær eru á lands- eða héraðsvísu, og, þar sem við á, milli slíkra stjórnsýslustofnana og stofnana og samtaka innan bandalagsins sem gera kleift að skiptast á upplýsingum með skilvirkum, árangursríkum og öruggum hætti í því skyni að stuðla að stofnun efnahags- og myntbandalags og hrinda stefnu og starfsemi bandalagsins, sem um getur í 3. og 4. gr. sáttmálans, í framkvæmd, að teknu tilliti til vinnu sem þegar er hafin samkvæmt gildandi áætlunum bandalagsins og aðildarríkjanna;
- b) að koma á fót samþættum fjarvirkninetum í því skyni að auðvelda samskipti milli stofnana bandalagsins og efla ákvarðanatökufæri bandalagsins.
2. Þessi ákvörðun fjallar um öll net sem IDA-áætlunin nær yfir.

2. gr.

Skilgreiningar

Í ákvörðun þessari er merking eftirfarandi hugtaka sem hér segir:

- a) „fjarvirkninet“: allsherjargagnaflutningskerfi sem nær ekki aðeins yfir eiginlegt grunnvirki og tengingar heldur og þá þjónustu og hugbúnað sem eru byggð ofan á grunnvirkið og gera þannig stofnunum og einstaklingum kleift að skiptast á upplýsingum með rafrænum hætti;
- b) „IDA-net“: samevrópskt fjarvirkninet fyrir stjórnsýslustofnanir sem er stofnsett eða viðhaldið samkvæmt þessari ákvörðun. Slíku neti er komið á fót að frumkvæði bandalagsins sem notanda eða aðila að netinu eða vegna þess að bandalagið nýtur góðs af netinu og hefur hag af því að tryggja starfrækslu þess;
- c) „sviðsnet“: samevrópskt fjarvirkninet fyrir stjórnsýslustofnanir eða samstæður af þjónustu og hugbúnaði ætlaðar sérstaklega til að hrinda í framkvæmd eða til stuðnings, af hálfu stjórnvalda, tiltekinni stefnu bandalagsins, starfsemi eða markmiði, hér á eftir nefnt „stjórnsýslusvið“;
- d) „IDA-verkefni“: innbyrðis tengdar aðgerðir, sem eru tilgreindar í viðaukanum, og sem er framfylgt eða framhaldið samkvæmt þessari ákvörðun og varða stofnun eða endurbætur sviðsneti.

3. gr.

Verkefni sem þjóna sameiginlegum hagsmunum

1. Bandalagið og aðildarríkin skulu, í því skyni að ná markmiðunum sem mælt er fyrir um í 1. gr., hrinda í framkvæmd verkefnum, sem þjóna sameiginlegum hagsmunum, eins og fram kemur í viðaukanum.
2. Slíkum verkefnum skal hrundið í framkvæmd í samræmi við IDA-vinnuáætlunina og viðtækar framkvæmdar-áætlanir eins og er lýst í 5. gr.

4. gr.

Forgangsverkefni

Við mótnun IDA-vinnuáætlunarinnar og úthlutun bandalagsfjármagns til IDA-verkefna skulu þau verkefni njóta forgangs sem bæta efnahagslega afkomu opinberra stjórnsýslustofnana, stofnana bandalagsins, aðildarríkjanna og svæðanna og sem með stofnun eða endurbótum á sviðsneti:

- a) stuðla beinlínis að því að afnema höft á frjálsum vöru-, fólks-, þjónustu- og fjármagnsflutningum; eða
- b) stuðla beinlínis að árangursríkum framgangi eða viðunandi rekstri efnahags- og myntbandalags; eða
- c) hvetja til samvinnu milli stofnana, þar sem stofnanir bandalagsins eru annars vegar, og hins vegar milli þeirra og stjórnsýslustofnana á lands- og héraðsvísu, meðal annars þjóðþinga og héraðsþinga; eða
- d) stuðla að verndun fjárhagslegra hagsmuna bandalagsins og aðildarríkjanna eða koma að gagni í baráttunni gegn svikum; eða
- e) auðvelda undirbúning að stækkun Evrópusambandsins; eða
- f) greiða fyrir samkeppnishæfni í bandalaginu, einkum samkeppnishæfni lítilla og meðalstórra fyrirtækja; eða
- g) koma einstaklingum í Evrópusambandinu að gagni.

5. gr.

Framkvæmd í megindráttum

1. Þegar hrinda á IDA-verkefni í framkvæmd skal hlíta þeim meginreglum sem settar eru fram í þessari grein.

2. Lagagrundvöllur skal vera fyrir framkvæmd IDA-verkefnis. Að því er varðar þessa ákvörðun skal líta svo á að IDA-verkefni uppfylli þessa kröfu þegar viðkomandi net eflir samskipti milli stjórnsýslustofnana í tengslum við framkvæmd einnar eða fleiri bandalagsgerða.

Fyrsta undirgrein á ekki við um verkefni sem efla samskipti milli stofnana eða ákvörðunartökufæri bandalagsins eða um sameiginlegt framtak til þess að styrkja tvö eða fleiri IDA-verkefni.

3. Í IDA-verkefnum skulu felast allar nauðsynlegar aðgerðir til þess að stofnsetja og bæta sviðsnet, meðal annars hagkvæmnikannanir og kynningar, stofnun vinnuhópa sérfræðinga aðildarríkjanna og bandalagsins og kaup á vörum og þjónustu fyrir bandalagið eftir því sem við á.

4. IDA-verkefnum má skipta í undirbúningsáfanganga, hagkvæmnisáfanganga, þróunar- og samþykkisáfanganga og framkvæmdaráfanganga.

Í kjölfar undirbúningsáfangans skal semja undirbúningskýrslu þar sem fjallað er um markmið og gildissvið verkefnisins og rökstuðning fyrir því, einkum fyrirsjáanlegan kostnað og ávinning, og ennfremur skal undirbúningsáfanginn leiða til þess að þátttakendur, að viðhöfðu viðeigandi samráði, helgi sig verkefninu og öðlist skilning á því.

Hagkvæmnisáfanginn leiði til þess að samin verði víðtæk framkvæmdaáætlun þar sem fram komi:

- a) lýsing þess nets eða þeirra neta, sem til stendur að koma á fót með verkefninu, með tilliti til markmiða, starfsemi, þátttakenda og tækniaðferða;
- b) hvaða hlutverk og viðfangsefni bandalaginu og aðildarríkjunum er ætlað meðan þeir þróunar- og samþykkisáfangar og framkvæmdaráfangar, sem eftir fylgja, standa yfir;
- c) nákvæm lýsing þess ávinnings sem er vænst, meðal annars matsviðmiðana fyrir mælingu á þessum ávinningi eftir að framkvæmdaráfanga lýkur;
- d) tilhögun þar sem skilgreind er jöfn skipting milli bandalagsins og aðildarríkjanna á rekstrar- og viðhaldskostnaði viðeigandi neta við lok framkvæmdaráfangans.

Meðan þróunar- og samþykkisáfanginn stendur yfir er heimilt, ef við á, að þróa, prófa, meta og vakta, í smækkaðri mynd, þá lausn, sem gerð er tillaga um fyrir viðeigandi net, og ber að nota niðurstöðurnar til þess að breyta hinni víðtæku framkvæmdaráætlun til samræmis.

Meðan framkvæmdaráfanginn stendur yfir skal stofnsetja fullkomlega nothæft eða nothæf net í samræmi við hina víðtæku framkvæmdaráætlun.

5. IDA-verkefnin eru byggð á þverlægum aðgerðum og ráðstöfunum sem bandalagið framkvæmir innan ramma ákvörðunar Evrópuþingsins og ráðsins 1720/1999/EB frá 12. júlí 1999 um samþykkt aðgerða og ráðstafana til að tryggja rekstrarsamhæfi og aðgang að samevrópskum netum fyrir rafræn gagnaskipti milli stjórnsýslustofnana ⁽¹⁾. Notast skal einkum við sameiginlega, almenna þjónustu og hugbúnað þar sem það á við.

6. Upphaf og framkvæmd IDA-verkefnis, skilgreining áfanga þess og skilgreining notendakrafna, bæði tæknilegra og starfrænna, fyrir viðkomandi net, sem tengist eða tengjast slíku verkefni, skulu vera innan ramma viðkomandi stefnu bandalagsins eða starfsemi á þess vegum og hlíta eftirliti í samræmi við gildandi nefndarmeðferð sé um slíka málsmeðferð að ræða.

Ef engin sérnefndarmeðferð er í gildi skulu bandalagið og aðildarríkin koma á fót sérfræðingahópum á viðkomandi sviði sem yfirfara þessi mál.

Framkvæmdastjórnin skal afhenda nefndinni, sem um getur í 8. gr., skýrslu um niðurstöður sérnefndanna og sérfræðingahópanna ásamt tillögum sínum um þær ráðstafanir sem um getur í 7. gr.

7. Semja ber tækniforskriftir fyrir hvert IDA-verkefni með vísan til evrópskra staðla eða forskrifta sem eru öllum aðgengilegar, til dæmis staðla sem frjáls aðgangur er að á Netinu, eftir því sem við á, í því skyni að tryggja rekstrarsamhæfi í ríkum mæli milli innlendra kerfa og bandalagskerfa innan og á milli stjórnsýslusviða og við einkageirann. Taka ber tillit til viðmiðunarreglna og

stuðningstækja bandalagsins á sviði stöðlunar innan opinberra innkaupa á upplýsinga- og fjarskiptatæknikerfum og -þjónustu (ICT).

8. Skilgreining og framkvæmd IDA-verkefna skal byggja á viðeigandi árangri annarrar, viðkomandi starfsemi bandalagsins, einkum rannsóknar- og tækniþróunaráætlunum og starfsemi bandalagsins á sviði samevrópskra fjarskiptaneta.

9. Endurskoða skal öll IDA-verkefni að framkvæmd lokinni í samvinnu við aðildarríkin innan ramma viðkomandi stefnu bandalagsins eða starfsemi og leggja niðurstöður fyrir viðkomandi sérnefnd og nefndina, sem um getur í 8. gr., innan árs frá því að framkvæmdaráfanga lýkur. Þessi endurskoðun skal ná yfir greiningu kostnaðarábata.

6. gr.

Fjárframlag bandalagsins

1. Bandalagið skal, í tengslum við framkvæmd IDA-verkefna, bera kostnað í hlutfalli við sína eigin hagsmuni.

2. Ákvarða ber fjárframlag bandalagsins til hvers IDA-verkefnis í samræmi við ákvæði 3. til 7. mgr. Fyrirnefnt framlag felur ekki í sér kostnað sem hlýst af áframhaldandi notkun hugbúnaðar eða forskrifta sem ganga gegn forgangsverkefnum eða kröfum þessarar ákvörðunar eða ákvörðunar Evrópuþingsins og ráðsins 1720/1999/EB.

3. Í undirbúnings- og hagkvæmnisáföngum verkefnis getur framlag bandalagsins nægt fyrir öllum kostnaði vegna nauðsynlegra rannsókna.

4. Í þróunar- og samþykkisáfanga verkefnis og framkvæmdaráfanga þess skal bandalagið bera kostnað vegna viðfangsefna sem því er úthlutað samkvæmt hinni víðtæku framkvæmdaráætlun fyrir verkefnið.

5. Bandalaginu er, í undantekningartilvikum og í samræmi við málsmeðferðina sem mælt er fyrir um í 8. gr., heimilt að leggja fram fé í formi beinna styrkja vegna kostnaðar sem eitt eða fleiri aðildarríki stofna til:

- a) vegna starfsemi sem tengist IDA-verkefni eða -neti sem hlýtur að skapa ávinning fyrir aðra þátttakendur eða önnur IDA-verkefni eða net,
- b) vegna endurbóta á kerfi sem eru taldar nauðsynlegar til þess að bæta eða einfalda allsherjarrekstur tiltekins IDA-nets.

Gera ber grein fyrir fyrirhuguðum styrkjum í IDA-vinnuáætluninni til einstakra viðkomandi IDA-verkefna eða -neta og á yfirstandandi fjárhagsári, það er hæstu, leyfilegu fjárhæð, væntanlegum ávinningi fyrir IDA-verkefni og -net, þeim markmiðum sem er stefnt að, stjórnsýslustofnunum í aðildarríkjunum sem njóta styrkja og viðfangsefnum sem fjármagna á með slíkum styrkjum.

Styrkir skulu ekki vera hærri en helmingur þeirra útgjalda sem hvert aðildarríki, sem er styrkþegi, stofnar til í raun við lausn þeirra viðfangsefna sem styrkurinn er veittur til, nema í undantekningartilvikum.

⁽¹⁾ Stjúd. EB L 203, 3.8.1999, bls. 9.

6. Fjármögnun af hálfu bandalagsins, samkvæmt þessari ákvörðun, skal hætt þegar framkvæmdaráfanga IDA-verkefnið lýkur; frekari fjármögnun samkvæmt þessari ákvörðun er samt sem áður heimil í undantekningartilvikum og í samræmi við málsmeðferðina, sem mælt er fyrir um í 8. gr., til þess að unnt sé að standa undir kostnaði, öllum eða að hluta, við rekstur og viðhald IDA-nets til loka ársins sem kemur á eftir árinu sem framkvæmdum lýkur.

7. Bandalagið getur einnig, innan ramma þessarar ákvörðunar og til ársloka 1999, borið kostnað vegna reksturs og viðhalds þeirra IDA-neta sem eru starfrækt áfram samkvæmt þessari ákvörðun og sem þegar eru starfrækt daginn sem þessi ákvörðun öðlast gildi.

8. Meginreglan er að því fjármagni, sem kveðið er á um í þessari ákvörðun, sé ekki úthlutað til verkefna eða verkefnaáfanganna sem njóta góðs af framlögum úr öðrum sjóðum bandalagsins.

7. gr.

Framkvæmd

1. Framkvæmdastjórnin skal koma þeirri bandalagsaðgerð, sem er sett fram í 3. til 6. gr., í framkvæmd.

2. Málsmeðferðin, sem er sett fram í 8. gr., gildir um samþykki, sem er grundvallað á samræmi við forgangsverkefnið sem kveðið er á um í 4. gr. og meginreglurnar sem mælt er fyrir um í 5. gr., þess þáttar IDA-vinnuáætlunarinnar sem fjallar um framkvæmd þessarar ákvörðunar og skal framkvæmdastjórnin ganga frá því árlega. Í IDA-vinnuáætluninni skal innifalin sundurliðun fyrir útgjalda fyrir hvert verkefni á árinu eða árunum á undan.

3. Málsmeðferðin, sem er sett fram í 8. gr., gildir um samþykki, sem er grundvallað á samræmi við meginreglurnar sem mælt er fyrir um í 5. gr., undirbúningskýrslunnar og víðtækrar framkvæmdaráætlunar fyrir hvert IDA-verkefni við lok hagkvæmnisáfangans og við lok þróunar- og samþykkisáfangans og um samþykki umtalsverðra, síðari breytinga á fyrrnefndri framkvæmdaráætlun.

4. Málsmeðferðin, sem er sett fram í 8. gr., gildir um samþykki sundurliðunar, sem er grundvallað á forgangsverkefnum sem mælt er fyrir um í 4. gr. og meginreglunum sem mælt er fyrir um í 5. og 6. gr., á árlegum útgjöldum fyrir hvert verkefni innan fjárhagsáætlunar samkvæmt þessari ákvörðun. Þessi málsmeðferð gildir einnig um tillögur um breytingar á fjárhagsáætlun sem eru hærrí en 250 000 evrur fyrir einstök verkefni á ársgrundvelli.

5. Skilgreina ber tækniforskriftir við útboð, sem gefa á út samfara því að þessi ákvörðun kemur til framkvæmda, í samvinnu við aðildarríkin þegar um er að ræða samninga sem eru yfir 500 000 evrur að verðmæti.

8. gr.

Nefnd

1. Framkvæmdastjórnin skal njóta aðstoðar nefndar sem skipuð er fulltrúum aðildarríkjanna undir formennsku fulltrúa framkvæmdastjórnarinnar. Nefndin skal kölluð nefndin um fjarvirkni milli stjórnsýslustofnana (TAC).

Fulltrúi framkvæmdastjórnarinnar leggur fyrir nefndina drög að þeim ráðstöfunum sem gera skal. Nefndin skal skila álitinu sínu á drögnum innan þeirra tímamarka sem formanni er

heimilt að setja eftir því hversu málið er brýnt. Álitnið skal samþykkt með þeim meirihluta, sem mælt er fyrir um í 2. mgr. 205. gr. sáttmálans, þegar um er að ræða ákvarðanir sem ráðinu ber að samþykkja að tillögu framkvæmdastjórnarinnar. Atkvæði fulltrúa aðildarríkjanna í nefndinni veiga eins og mælt er fyrir um í þeirri grein. Formaðurinn greiðir ekki atkvæði.

Framkvæmdastjórnin skal samþykkja ráðstafanir sem öðlast gildi þegar í stað. Séu þessar ráðstafanir hins vegar ekki í samræmi við álit nefndarinnar, skal framkvæmdastjórnin tilkynna ráðinu um þær án tafar. Ef svo ber undir:

skal framkvæmdastjórnin fresta framkvæmd ráðstafananna, sem hún hefur ákveðið að gera, um þrjá mánuði frá dagsetningu orðsendingarinnar;

ráðinu er heimilt að taka aðra ákvörðun með auknum meirihluta innan þeirra tímamarka sem um getur í undirgreininni hér að framan.

2. Framkvæmdastjórnin skal gefa nefndinni um fjarvirkni milli stjórnsýslustofnana árlega skýrslu um framkvæmd þessarar ákvörðunar.

9. gr.

Endurskoðun og mat

1. Framkvæmdastjórnin skal, í samvinnu við aðildarríkin, meta framkvæmd þessarar ákvörðunar annað hvert ár.

2. Matið skal leiða í ljós framgang og ríkjandi stöðu þeirra verkefna sem þjóna sameiginlegum hagsmunum og fjallað er um í viðaukanum.

Matið skal einnig felast í því að kanna, með hliðsjón af útgjöldum bandalagsins, ávinning af IDA-netum fyrir bandalagið með tilliti til framþróunar sameiginlegra stefnumiða og samvinnu á vettvangi stofnana, aðildarríkin, iðnað í bandalaginu og borgara í Evrópusambandinu og benda á svið þar sem umbóta kann að vera þörf og staðfesta samvirkni við aðra starfsemi bandalagsins á sviði samevrópskra fjarskiptaneta.

3. Framkvæmdastjórnin skal leggja matsgerð sína fyrir Evrópuþingið og ráðið, eftir að nefndin um fjarvirkni milli stjórnsýslustofnana hefur yfirfarið hana, ásamt viðeigandi tillögum að breytingum á viðaukanum. Eigi skal leggja matsgerðirnar fram síðar en uppkast að fjárhagsáætlunum fyrir árin 2001, 2003 og 2005 er lagt fram.

10. gr.

Víkkun sem nær til EES-landanna og samstarfslanda

1. Í tengslum við IDA-áætlunina getur EES-löndunum og samstarfslöndum í Mið- og Austur-Evrópu ásamt Kýpur staðið til boða að taka þátt í verkefnum sem þjóna sameiginlegum hagsmunum og tengjast samningum, sem þau hafa við Evrópubandalagið, og rúmast innan ramma slíkra samninga.

2. Jafnhliða framkvæmd verkefna er hvatt til samstarfs við lönd utan bandalagsins og alþjóðastofnanir eða samtök, eftir því sem við á.

11. gr.

Önnur sviðsnet

1. Með tilliti til stofnsetningar eða endurbóta á öllum öðrum sviðsnetum sem eru ekki IDA-verkefni (hér á eftir nefnd önnur „sviðsnet“) skulu aðildarríkin og bandalagið, í samræmi við viðeigandi ákvæði í löggjöf bandalagsins sem fjalla um uppsetningu þessara sviðsneta, tryggja að ákvæðum 2. til 6. mgr. sé hlítt.

2. Með tilliti til annarra sviðsneta skal notast við þverlægar aðgerðir og ráðstafanir sem bandalagið framkvæmir innan ramma ákvörðunar Evrópuþingsins og ráðsins 1720/1999/EB, nema þessi verkefni og ráðstafanir uppfylli ekki kröfur notenda að því er varðar önnur sviðsnet.

3. Semja ber tækniforskriftir fyrir sérhvert annað sviðsnet með vísan til evrópskra staðla eða forskrifta sem eru öllum aðgengilegar, til dæmis staðla sem frjáls aðgangur er að á Netinu, eftir því sem við á, í því skyni að tryggja rekstrarsamhæfi í ríkum mæli milli innlendra kerfa og bandalagskerfa innan og á milli stjórnsýslusviða og með tilliti til einkageirans. Taka ber tillit til viðmiðunarreglna og stuðningstækja bandalagsins á sviði stöðlunar innan opinberra innkaupa á upplýsinga- og fjarskiptatæknikerfum og -þjónustu (ICT).

4. Þegar skilgreina á annað sviðsnet og það er tekið í notkun skal byggja á viðeigandi árangri annarrar, viðkomandi starfsemi bandalagsins, einkum rannsóknar- og tækniþróunaráætlunum og starfsemi bandalagsins á sviði samevrópskra fjarskiptaneta.

5. Eftir að stofnsetning er um garð gengin skal endurskoða sérhvert annað sviðsnet.

6. Bandalagið skal, í tengslum við stofnsetningu annarra sviðsneta, bera kostnað í hlutfalli við sína eigin hagsmuni.

7. Framkvæmdastjórnin skal, eigi síðar en 3. október 1999 og árlega eftir það, leggja fyrir nefndina um fjarvirkni milli stjórnsýslustofnana skýrslu um framkvæmd 1. til 6. mgr. Framkvæmdastjórnin skal tilgreina í skýrslunni þær notendakröfur sem skipta máli og koma í veg fyrir að unnt sé, með tilliti til annarra sviðsneta, að nota almenna þjónustu samkvæmt 2. mgr. og fjalla um þann kost að endurbæta þá þjónustu í því skyni að koma til móts við fyrrnefndar notendakröfur.

12. gr.

Fjárhagsrammi

Fjárhagsrammi fyrir aðgerðir bandalagsins samkvæmt þessari ákvörðun fyrir tímabilið 1998 til 2000 skal vera 38,5 milljónir evra.

Árlegar fjárveitingar skulu háðar samþykki fjárveitinga- valdsins og rúmast innan ramma fjárhagsáætlunarinnar.

13. gr.

Gildistaka

Ákvörðun þessa skal birta í *Stjórnartíðindum Evrópubandalaganna*. Hún öðlast gildi á þeim degi sem hún birtist og gildir til 31. desember 2004.

14. gr.

Viðtakendur

Ákvörðun þessari er beint til aðildarríkjanna.

Gjört í Brussel 12. júlí 1999.

Fyrir hönd Evrópuþingsins,

J. M. GIL-ROBLES

forseti.

Fyrir hönd ráðsins,

S. NIINISTÖ

forseti.

VIÐAUKI

VERKEFNI SEM ÞJÓNA SAMEIGINLEGUM HAGSMUNUM Á SVIÐI SAMEVRÓPSKRA NETA FYRIR GAGNASKIPTI MILLI STJÓRNSÝSLUSTOFNANA

Eftirtalin verkefni skulu teljast verkefni sem þjóna sameiginlegum hagsmunum samkvæmt IDA-áætluninni.

A. ALMENNT

1. Þróun og stofnsetning fjarvirknina til stuðnings Myntbandalagi Evrópu og stefnumiðum og starfsemi bandalagsins (í samræmi við B-þátt), upplýsingaskiptum milli stofnana (í samræmi við C-þátt) og hnattvæðingu IDA-neta (í samræmi við D-þátt).
2. Áframhald og endurbætur verkefna á tilteknum sviðum og sviðsnetum sem er komið á samkvæmt ákvörðun ráðsins 95/468/EB, að undanskildum netum sem um getur í E-þætti.
3. Stofnsetning neta sem eru nauðsynleg fyrir starfsemi evrópskra umboðsstofa og samtaka og mynda grundvöll fyrir lagaramma í tengslum við stofnun evrópskra umboðsstofa.
4. Stofnsetning neta á sviði stefnumiða sem tengjast frjálsum fólksflutningum að því marki sem þau eru nauðsynleg til stuðnings aðgerðum bandalagsins og/eða aðildarríkjanna samkvæmt stofnsáttmála Evrópu-bandalagsins.
5. Stofnsetning neta sem, innan ramma stefnumörkunar og starfsemi bandalagsins og við ófyrirséðar aðstæður, eru bráðnauðsynleg til stuðnings aðgerðum bandalagsins og aðildarríkjanna, meðal annars til að vernda líf og heilbrigði manna, dýra og plantna, rétt evrópskra neytenda, lífsskilyrði fólks í Evrópusambandinu eða grundvallarhagsmunum bandalagsins.

B. SÉRSTÖK NET TIL STUÐNINGS EVRÓPSKA MYNTBANDALAGINU OG STEFNUMIÐUM OG STARFSEMI BANDALAGSINS

1. Fjarvirkninet vegna efnahags- og peningamálastefnu, einkum til þess að auðvelda eftirlit með því að samleitnisviðmiðanir séu virtar og með innleiðingu evrunnar.
2. Fjarvirkninet vegna stækkunar Evrópusambandsins, einkum til þess að koma á skilvirku rafrænu sambandi milli þýðingamiðstöðva framkvæmdastjórnarinnar, annars vegar, og ráðsins og, þýðinga-yfirlestrarstofa, sem starfa tímabundið og kann að verða komið á fót í sérhverju landi sem sækir um aðild, hins vegar.
3. Fjarvirkninet á sviði svæða- og samheldnistefnumiða, einkum til þess að auðvelda söfnun, umsýslu og dreifingu upplýsinga um framkvæmd svæða- og samheldnistefnumiða fyrir lands- og héraðsstjórnir.
4. Fjarvirkninet vegna fjármögnunar bandalagsins, einkum í því skyni að mynda tengingu við núverandi gagnagrunna framkvæmdastjórnarinnar sem þjónar því markmiði að auðvelda evrópskum samtökum, einkum litlum og meðalstórum fyrirtækjum, aðgang að fjármögnunarsjóðum bandalagsins.
5. Fjarvirkninet á sviði tölfræði, einkum viðvíkjandi söfnun og dreifingu tölfræðilegra upplýsinga.
6. Fjarvirkninet á sviði birtingar opinberra skjala.
7. Fjarvirkninet í landbúnaði og sjávarútvegi, einkum til stuðnings stjórnrekstri markaða með landbúnaðarvörur og landbúnaðarkerfisins, skilvirkari fjármálastjórnun, gagnaskiptum vegna reikningsskila í landbúnaði (RICA) milli innlendra yfirvalda og framkvæmdastjórnarinnar og baráttunni gegn svikum.
8. Fjarvirkninet í iðnaði, einkum til upplýsingaskipta milli stjórnsýslustofnana á sviði iðnaðar og milli slíkra stjórnsýslustofnana og samtaka iðnaðarins, til að stjórnsýslustofnanir geti skipst á gögnum um gerðarviðurkenningu bifreiða og til að veita þjónustu sem einfaldar og bætir aðferðir við að útfylla stjórnsýslueyðublöð.
9. Fjarvirkninet vegna stefnu í samkeppnismálum, einkum með því að bæta skipti á rafrænum gögnum við innlendar stjórnsýslustofnanir í því skyni að auðvelda upplýsingamiðlun og samráð.

10. Fjarvirkninet á sviði menningar-, upplýsinga- og fjarskiptamála og hljóð- og myndmiðlunar, einkum til þess að skiptast á upplýsingum um efni á opnum netum og stuðla að þróun og frjálsri dreifingu nýrrar þjónustu á sviði hljóð- og myndmiðlunar og upplýsinga.
11. Fjarvirkninet í flutningsgeiranum, einkum til að stuðla að skiptum gagna um ökumenn, ökutæki og rekstraraðila í flutningastarfsemi.
12. Fjarvirkninet á sviði ferðaþjónustu, umhverfismála, neytendaverndar og neytendaheilsuverndar til að stuðla að upplýsingaskiptum milli aðildarríkjanna.

C. NET MILLI STOFNANA

Fjarvirkninet til stuðnings upplýsingaskiptum milli stofnana, einkum:

1. til stuðnings ákvarðanatökufjerli bandalagsins og fyrirspurnum í þinginu;
2. því að setja upp nauðsynlegar fjarvirknitengingar milli framkvæmdastjórnarinnar, Evrópuþingsins, annarra evrópskra stofnana og ráðsins (meðal annars þess staðar þar sem formennska í Evrópusambandinu er hverju sinni og fastafulltrúa aðildarríkjanna).
3. til að greiða fyrir fjöltyngi í upplýsingaskiptum milli stofnana með því að hafa betri stjórn á flæði þýðinga og með betri hjálpartækjum við þýðingar, samnýtingu/gagnkvæmum skiptum á fjöltyngdum hjálpargögnum og með því að skipuleggja sameiginlegan aðgang að íðorðasöfnum.
4. skjalaskipti milli evrópskra umboðsstofa og samtaka og evrópskra stofnana.

D. HNATTVÆÐING IDA-NETA

Útvíkkun IDA-neta þannig að þau nái til landa innan EES og EFTA, landa Mið- og Austur-Evrópu (CEEC) og sjö helstu iðnríkja heims og alþjóðlegra stofnana, einkum með tilliti til fjarvirkninetna á sviði almannatrygginga, heilsugæslu, lyfja og lyfjavara og umhverfis.

E. ÖNNUR SVIÐSNET

Verkefni, sem voru áður fjármögnuð með IDA-áætluninni og fá nú sitt eigið fjármagn frá bandalaginu, falla engu að síður undir hópinn „önnur sviðsnet“ sem um getur í 11. gr. þessarar ákvörðunar.
